

KJKP "RAD" d.o.o. SARAJEVO

-DIREKTOR-

Broj: 05-03-04- /20

Sarajevo, 13.08.2020. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

ODLUKU

o izboru najpovoljnijeg ponuđača za nabavku PVC cijevi visoki kvalitet SN 8 – LOT 3

I

Kao najpovoljnijeg ponuđača za nabavku PVC cijevi – LOT 3, odabiram ponudu ponuđača „REGENERACIJA“ d.o.o. Velika Kladuša.

OBRAZLOŽENJE

KJKP "RAD" d.o.o. je dana 24.06.2020. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku ostalih materijala, sa rokom dostave ponuda do 03.08.2020. godine.

Po otvorenom postupku za nabavku pristigle su tri (3) ponude i to ponude firmi „REGENERACIJA“ d.o.o. Velika Kladuša, „GRADUR TGI“ d.o.o. Sarajevo i „VODOSKOK“ d.o.o. Tomislavgrad.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je sljedeće:

- Ponuđač „GRADUR TGI“ d.o.o. Sarajevo nije u svojoj ponudi dostavio spisak izvršenih ugovora, a kako je to zahtjevano tačkom 13.3.c) Tenderske dokumentacije. Također, ponuđač nije dostavio ateste ili certifikate o kvalitetu materijala u skladu sa tačkom 13.3.e) Tenderske dokumentacije, iako su Tehničkom specifikacijom propisani tehnički uslovi koje cijevi moraju zadovoljavati a što se dokazuje atestom ili certifikatom o kvalitetu.
- Ponuđač „VODOSKOK“ d.o.o. Tomislavgrad je u svojoj ponudi dostavio ateste/certifikate o kvalitetu materijala a koji su traženi tačkom 13.3.e) Tenderske dokumentacije koji ne odgovaraju tehničkim uslovima traženim u Tehničkom specifikaciji. Naime, ponuđač nije dostavio ateste/certifikate za DIN 4262 a koji je zahtjevan Tehničkom specifikacijom.

Iz navedenog se vidi da ponude ovih ponuđača ne zadovoljavaju uslove iz tenderske dokumentacije kao ni tražene tehničke specifikacije te su iste ocijenjene kao neprihvatljive i nisu uzete u dalje razmatranje.

Ponuda ponuđača „REGENERACIJA“ d.o.o. Velika Kladuša je ocijenjena kao potpuna budući da je ovaj ponuđač dostavio svu dokumentaciju zahtjevanu Tenderskom dokumentacijom kao i ateste/certifikate koji zadovoljavaju tehničke uslove tražene Tehničkom specifikacijom.

Obzirom da se radi o otvorenom postupku javne nabavke za dostavu ponuda sa međunarodnom objavom Obavještenja kojim je previđeno sklapanje Okvirnog sporazuma sa jednim ponuđačem, te da je broj pristiglih i prihvatljivih ponuda jedan (1) a da je kriterij za odabir najpovoljnije ponude najniža cijena, cijeneći cijene, kretanja na tržištu i budžet ugovornog organa određen za nabavku predmeta javne nabavke od strane Komisije utvrđeno je da je ponuda potpuno prihvatljiva te daje preporuku Ugovornom organu da ponudu ponuđača „REGENERACIJA“ d.o.o. Velika Kladaša prihvati kao potpuno prihvatljivu, budući da je dostavio svu potrebnu dokumentaciju i ponudio ukupnu cijenu od 113.565,00 KM bez uračunatog PDV-a. Ugovor će se sklapati na procijenjenu vrijednost za pojedini LOT, u skladu sa tačkom 8. Tenderske dokumentacije.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

v.d. DIREKTOR KJKP „RAD“

Mirsad Hošić, dipl. ing. maš.

DOSTAVITI:

- Ponuđačima;
- a/a